



„ჩინგუძი საცაბთუელთა, სიმეძი ჩუნ ვაბთ ყულათ“

კოლხეთი

გამოდის 1923 წლის 1 მაისიდან

სენაკის მუნიციპალიტეტის თავისუფალი ბაზეთი

2019 წელი • №16 (9464) • 16-31 აგვისტო • ფასი 50 თეთრი

მუნიციპალიტეტის მერიამი

კულტურული სავაჭრო კავშირების განვითარება

სენაკის მუნიციპალიტეტის მერის პირველი მოადგილე გრიგოლ ბალათურია და მერის მოადგილე კახაბერ კუპრეიშვილი ცნობილ არქიტექტორს, სენაკის საპატიო მოქალაქეს ვახტანგ დავითაიას შეხვდნენ. საქართველოს კულტურული მემკვიდრეობის დაცვის ეროვნული სააგენტოს გადამწყვეტილებით, ქალაქ სენაკის ცენტრალურ სკვერში მდებარე, მოქანდაკე ვაჟა მელიქიშვილის „ხსოვნის მემორიალს“, რომლის არქიტექტურა ვ.დავითაიას, შ. ბოსტანაშვილს, გ.გველიას ეკუთვნის, არამატერიალური კულტურული მემკვიდრეობის ძეგლის სტატუსი



მიენიჭა. მთლიანობის და კანონზომიერების სიმბოლო, გახლენიერი კუბი, რომლის წრილში შესული ადამიანი ომის საშინელებით

განამებულთა ტრაგიკულ გარემოში აღმოჩნდება, 35 წლის წინ, 1984 წლის 9 მაისს, სამამულო ომში დაღუპული სენაკელების ხსოვნის უკვდავსაყოფად გაიხსნა. შეხვედრაზე, რომელსაც მერიის განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, მწერალი ბორის დავითაია, არქიტექტორი ჯემალ გიგბერია ესწრებოდნენ, საუბარი „ხსოვნის მემორიალის“ რესტავრაციას, მომავალი თაობებისთვის ძეგლის მნიშვნელობის გაცნობას და ძეგლის ბარილიეფის დამზადებას შეეხო.

სოფლის მეურნეობის საკითხებზე

სახელმწიფო რწმუნებულის ადმინისტრაციამ, სამეგრელო-ზემო სვანეთის სახელმწიფო რწმუნებულის პირველი მოადგილე დავით ფარცვანი რეგიონის მერების მოადგილეებს, სოფლის მეურნეობის სამსახურების უფროსებს და გარემოს დაცვისა და სოფლის მეურნეობის სამინისტროს საინფორმაციო-საკონსულტაციო ცენტრების წარმომადგენლებს შეხვდა. სამუშაო შეხვედრაზე, რომელსაც სენაკის მუნიციპალიტეტის მერის მოადგილე კახაბერ კუპრეიშვილი და სოფლის მეურნეობის პროექტების მართვის სააგენტოს PMA სენაკის მუნიციპალიტეტის საინფორმაციო-საკონსულტაციო ცენტრის მთავარი სპეციალისტი გიორგი



ხარგვლია ესწრებოდნენ, სოფლის მეურნეობის სფეროში არსებულ სახელმწიფო პროგრამებსა და მათ მნიშვნელობაზე, ასევე, სახელმწიფო პროექტის „დანერგე მომავალი“ კენკროვანი კულტურების დაფინანსების ძირითად ასპექტებზე, სასოფლო-სამეურნეო ტექნიკის ხელმისაწვდომობაზე, მეცხოველეობის, სასათბურე მეურნეობებისა და აგროტურიზმის განვითარების პერსპექტივებზე ისაუბრეს.

შეხვედრა დევნილ მოსახლეობასთან

აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი რუსლან აბაშიძე, აფხაზეთის ავტონომიური რესპუბლიკის ჯანმრთელობისა და სოციალური დაცვის მინისტრი ქეთევან ბაკრაძე, აფხაზეთის ავტონომიური რესპუბლიკიდან იძულებით გადაადგილებულ პირთა - დევნილთა მინისტრი კონსტანტინე კუჭუხიძე, სენაკის მუნიციპალიტეტის მერი ლევან კუპრეიშვილი, აფხაზეთის ავტონომიური რესპუბლიკის მთავრობის წევრები, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი და თვითმმართველობის წარმომადგენლები, სენაკის ყოფილი სამხედრო დასახლების ტერიტორიაზე, კომპაქტურ ჩასახლებებში მცხოვრებ აფხაზეთიდან იძულებით გადაადგილებულ პირებს შეხვდნენ და მათ პრობლემებსა და საჭიროებებს ადგილზე გაეცნენ. დევნილ მოსახლეობასთან უშუალო დიალოგში, მოკლე და გრძელვადიან პერსპექტივებში გადასახლებაში პრიორიტეტული საკითხები გამოიკვეთა, რომლებიც ძირითადად ინფრასტრუქტურულ, სოციალურ-ეკონომიკურ,

ჯანდაცვის, დასაქმების და კულტურულ-საგანმანათლებლო მიმართულებებზე ეხებოდა. შეხვედრაზე, ხელისუფლების წარმომადგენლებმა ისაუბრეს აფხაზეთის ავტონომიური რესპუბლიკის, ცენტრალური და ადგილობრივი ხელისუფლების ერთობლივი ძალისხმევით მიმდინარე და დაგეგმილ პროგრამებზე, რაც უშუალოდ დევნილთა ცხოვრების პირობების გაუმჯობესებას, ადგილობრივ მოსახლეობასთან მჭიდრო ინტეგრაციას, მათი დასაქმების, სხვადასხვა პროექტებში ჩართვის ხელშეწყობას ისახავს მიზნად. აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელმა რუსლან აბაშიძემ, მოსახლეობასთან დისკუსიისას, ხაზი გაუსვა დევნილ მოზარდეთა ამხანაგობების შექმნის მნიშვნელობას, რაც პრობლემური საკითხების გამოკვეთასა და ეფექტურ გადაჭრას მნიშვნელოვნად შეუწყობს ხელს. მუნიციპალიტეტის მერის,



ლევან კუპრეიშვილის თქმით, ადგილობრივი თვითმმართველობის ძალისხმევით, კომპაქტურ ჩასახლებებში თანმიმდევრულად მოგვარდება გაზიფიცირების, სანიტარულ არხების მოწყობის, წყალმომარაგების და კანალიზაციის მონესრივების, საავტომობილო გზის რეაბილიტაციის პრობლემები. ახლო მომავალში, კომპაქტური ჩასახლების ტერიტორიაზე, ასევე განხორციელდება სპორტული მოედნის მოწყობა. ხელისუფალთა შეხვედრები დევნილ მოსახლეობასთან, რომლებიც საჭირობო-საკითხების გადასაჭრელად, მათთან მჭიდრო თანამშრომლობას ისახავს მიზნად, პერიოდულად გაგრძელდება.

პრემიერა სპექტაკლისა „ქალად ექიმი“

სენაკის მოსწავლე-ახალგაზრდობისა და კულტურის ცენტრის საკონცერტო დარბაზში, აკაკი ხორავას სახელობის სენაკის პროფესიული სახელმწიფო დრამატული თეატრის, ჟან-ბატისტ მოლიერის პიესის „ქალად ექიმი“ მიხედვით დადგმული სპექტაკლის პრემიერა გაიმართა. მოლიერის უკვდავი კომედიის თანამედროვე რეალობასთან შერწყმული ვერსიის დამდგმელი რეჟისორი და მუსიკალური გამფორმებელი პეტრე ჩარვეიშვილია. მარადიულ ტიპებად ქცეულ პერსონაჟებს ადგილობრივი დასის მსახიობები ორიგინალურად და შთაბეჭდავად ანახიერებენ. საგულისხმოა, რომ დღევანდელ პრემიერას სიმბოლური დატვირთვა აქვს - 1881 წლის თებერვალში, დაბა ახალსენაკში, თეატრის მოყვარულთა საზოგადოების მიერ წარმოდგენილ იქნა მოლიერის „ქალად ექიმი“. 138 წლის წინ, ად-



გილობრივი ძალებით გამართული სწორედ ეს წარმოდგენა შეიქმნა სენაკის მდიდარი თეატრალური ტრადიციების ათვლის წერტილი. სპექტაკლს, რომლის დადგმაც საქართველოს განათლების, მეცნიერების, კულტურისა და სპორტის სამინისტროს დაფინანსებითა და სენაკის მუნიციპალიტეტის მერიის მხარდაჭერით განხორციელდა, თვითმმართველობისა და საზოგადოების წარმომადგენლები ესწრებოდნენ.

სამ ადმინისტრაციულ ერთეულში

სამეგრელო-ზემო სვანეთის სახელმწიფო რწმუნებულის ალექსანდრე მონერელია, საქართველოს პარლამენტის წევრი, სენაკის მაჟორიტარი დეპუტატი ირაკლი ბერაია, ზუგდიდის მაჟორიტარი დეპუტატი მერაბ ქვარაია, საქართველოს გარემოს დაცვისა და სოფლის მეურნეობის სამინისტროს სოფლის მეურნეობის, სურსათის და სოფლის განვითარების დეპარტამენტის უფროსი თენგიზ კალანდაძე, სენაკის მუნიციპალიტეტის მერი ლევან კუპრეიშვილი, მუნიციპალიტეტის საკრებულოს თავმჯდომარე კახაბერ რუსია, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, თვითმმართველობისა და შესაბამისი უწყებების წარმომადგენლებთან ერთად, სენაკის მუ-

ნიციპალიტეტის სამ ადმინისტრაციულ ერთეულში - ძველ სენაკში, ნოქალაქესა და გეჯეთში - ადგილობრივ მცხოვრებლებს შეხვდნენ. ცენტრალური, საკანონმდებლო და ადგილობრივი ხელისუფლების წარმომადგენლები ადმინისტრაციულ ერთეულებში მიმდინარე ინფრასტრუქტურულ პროექტებს და მოსახლეობის პრობლემებს ადგილზე გაეცნენ. შეხვედრები, რომლის მიზანია საჭირობო საკითხების გადასაჭრელად ხელისუფლებისა და მოსახლეობის მჭიდრო თანამშრომლობა, დიალოგის რეჟიმში წარიმართა. სახელმწიფო რწმუნებულმა ალექსანდრე მონერელიამ სოფლის მეურნეობისა და ინფრასტრუქტურის მიმართულებით განხორციელებულ, მიმდინარე და დაგეგმილ პროექ-

ტებზე ისაუბრა, რომელიც ადგილობრივი მცხოვრებლების სოციალურ-ეკონომიკური პირობების გაუმჯობესების კენაა მიმართული. ასევე, აქცენტები თხილის დაცვისა და სოფლის მხარდაჭერის პროგრამების განხორციელების აუცილებლობაზე გააკეთა. თენგიზ კალანდაძემ ხაზი გაუსვა სოფლის მეურნეობის კუთხით განხორციელებული პროექტების შედეგებს და მნიშვნელობას. მოსახლეობასთან შეხვედრისას, საქართველოს პარლამენტის წევრმა, სენაკის მაჟორიტარმა დეპუტატმა ირაკლი ბერაიამ და სენაკის მუნიციპალიტეტის მერმა ლევან კუპრეიშვილმა მუნიციპალიტეტში მიმდინარე და დაგეგმილ მასშტაბურ სამუშაოებზე ისაუბრეს. აღნიშნეს, რომ აქტიურად გაგრძელდება მუნიციპა-



ლიტეტის სრული გაზიფიცირების და საგზაო ინფრასტრუქტურის მონესრივების პროცესი. ეტაპობრივად მოგვარდება ყველა ის მნიშვნელოვანი საკითხი, რომლებიც ქალაქად და სოფლად მცხოვრები მოქალაქეების წინაშე დგას. შეხვედრებზე მოსახლეობამ პრიორიტეტებად გამოკვეთა შიდა გზებისა და სანიაღვრე არხების მონესრივების, ამბულატორიების, სკოლებისა

და სკოლამდელი აღზრდის დაწესებულებების რეაბილიტაციის, გაზიფიცირებისა და წყალმომარაგების საკითხები. მსგავსი დისკუსია მოსახლეობასთან პერმანენტულად გაგრძელდება.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

„დიდების მემორიალს“ კულტურული მემკვიდრეობის ძეგლის სტატუსი მიენიჭა

საოცარია, პატარა, მარადი სა-ქართველო. თავისი არა მხოლოდ გეოგრაფიული მდებარეობით, ბუნებითა და ისტორიული ნარსულით გახლავთ გამორჩეული, არამედ იმითაც, რომ არ არის დარჩენილი ადგილი, რომელიც არ გაჟღერებულა წინაპართა სისხლით. ამიტომაც მათ პატივისცემად ძეგლი, მონუმენტი ან ხსოვნის მემორიალი აგებული ან ყვავილი გაზრდილი ხასხასა და ნაირფერი.

მთა, მდინარე და ზღვაც, წინა-პართა სისხლნაპკურია, იქაც სწანს ცრემლისა და გოდების კვალი.

ასეა სამეგრელოში. სენაკის შუაგულში, დასავლეთი პარკის ჩრდილოეთ მხარეს, ამაყად დგას ეროვნული გმირის, ქართველთა სამსხვერპლოზე თავდადებული, უიული შარტავას ძეგლი. ხოლო, პარკის სამხრეთ მხარეს-„დიდების კუბი“, როგორც ომის საშინელების ეპოსის ამსახველი მემორიალი.

ძეგლი, მონუმენტი და მემორიალი ხომ მარტოდენ გარდასული ფამის უტყუარი ისტორიულ-დოკუმენტური სურათად არ აღიქმება, არამედ ჩვენი დღევანდელი და კიდევ უფრო მეტად მომავლისთვისაა მიძღვნილი. გათვლილია ჩვენი ეროვნული კულტურული ცნობიერების ღრმა პატივისცემისა და იმის გასაზრებლად, რომ ომი საშინელებაა და მისი გამეორება დამანგრეველია. ჩავვახედებს ცხოვრების სიღრმეებში და თვალსაჩინოდ წარმოგვიდგენს მის შავ ჩრდილებს, ბნელ წახანავებს.

„ხსოვნის კუბი“ ორად გაყოფილ-გაჭრილი მემორიალია. კედლებზე თეთრი თაბაშირით გამოქანულია 120 - ზე მეტი ნატანჯი ფიგურა -საოცრება. ისინი დუმი-



ლითა და ტრაგიზმით ღალადებენ ომის საშინელებას.ერთმანეთში აზელილი ცხენ-კაცის ფიგურები და ზემოდან გამოშვებული შიშველი მტევნიანი მკლავი, მეტაფორაა „შეჩერდი და მუხლი მოიყარე ამ საშინელების წინაშე.“ თავის დროზე ეს იყო ახალი სიტყვა ქანდაკებაში, მხატვრულად იმის გააზრება და თქმა, რომ ომი არასოდეს არ განმეორდეს.

თითქოს ფორმა მარტივია, არქიტექტორებმა ბეტონის კუბში გამოაქანდაკეს, ომის ტრაგედიისა და სიცოცხლის მარადისობის ეპოპეა. შედისარ გახლენილ კუბში და შესვლისთანავე ისეთი შთაბეჭდილება გუფლდება ადამიანი თითქოს ბუნებრივ მღვიმეში შედის, სადაც ხელთუქმნელი სტალაქტიდები ჩამოღვენთილან და აღმართულან. ამ შთაბეჭდილებას ძირითადად დეფორმირებული ფორმები აძლიერებენ. ამიტომ აღიქმება ეს მემორ-



იალი ძეგლად, რომელიც ეროვნული დრამის საზღვრებს სცილდება და ზოგადსაკაცობრივ ტრაგედიის უღერადობას იძენს.

სრულიად სამართლიანად, ამ ქმნილებას მიენიჭა კულტურული მემკვიდრეობის უძრავი ძეგლის სტატუსი.

რაოდენ ნიშანდობლივია, რომ ამ უაღრესად მნიშვნელოვან ხელოვნების ნაღვანის აღმოსავლეთ

მხარეს, სულ ოციოდ მეტრში დგას ფაშიზმზე მეტბრძოლის გმირი ალექსანდრე ნურნუმიას ძეგლი, ხოლო დასავლეთით, მემორიალიდან ოციოდ მეტრზე, პოეტის, „დედის დარიგებისა“ და „მეგრული ფაცხას“ ავტორის, გიორგი ჭაღადიძელის ბიუსტი.ხოლო პარკის ირგვლივ თავმოყრილია უმნიშვნელოვანესი ნაგებობები. აკაკი ხორავას სახელობის თეატრის შენობა. სადაც დიდი არტისტის სული და აჩრდილი ტრიალებს. ამ შენობას უკვე მიანიჭეს კულტურული ძეგლის სტატუსი და ახლა ეს ორი უძვირფასესი ნაგებობა-ქანდაკი მზესავით ანათებს სივრცეს და გვევლინება სულისა და ხორცის უკვდავების გვირგვინად. იქვე ადასავლეთით დგას სულიერების ტაძარი, იოანე ნათლისმცემის საკათედრო სახანო, საიდანაც თითქმის მუდმივად ისმის ზარის რეკვისა და ლოცვის ხმები და ეს ყოველივე ერთად აღებული ქმნის საოცარ პარმონიას, რომლითაც გასხივოსნებულია დიდების კუბი“ როგორც ხსოვნის მარადიული ფორმა.

„დიდების მემორიალის“ იდეის ავტორები გახლავთ, რუსთაველის პრემიის ლაურეატი, ვახტანგ დავითაია, და ასევე მთავი ბოსტანაშვილი და გიული გვეგელია. ხოლო მოქანდაკეა, ცნობილი ხელოვანი ვაჟა მელიქიშვილი. მემორიალის შექმნა დაიწყო 1976 წელს. რომელის განხორციელებას აქტიურად უჭერდა მხარს,მაშინდელი რაიონის პირველი მდივანი ვახტანგ ესვანჯია.

ავტორებისა და მოქანდაკის მრავალწლიანი შრომის შედეგად სკულპტურული კომპოზიცია შეიკრა და ის გაიხსნა 1984 წლის 9 მაისს. რომელსაც დაესწრო მამინდელი ხელისუფლების, კულტურისა და განათლების მაღალი რანგის მოღვაწეები. სტუმრები ევროპიდან.

„ხსოვნის კუბის“ გარეგანი სახისაგან მიღებული შთაბეჭდილება ქმნის შეგრძობას თითქოს მეხი დაცვა და შუაში გახლიჩაო.მემორიალის გაპოზილი მხარეების ორთავე მხარეს გამოსახულია ჭრილობის, ტკივილისა და ტრაგედიის მაყვებელი სიუჟეტები. რაც იტაცებს თვალს. შიდა ინტერიერი ერთიანდ საყვარელი რელიეფით.არქიტექტურა შერწყმულია პლასტიკასთან. ადამიანი შედის არა არქიტექტურულ ინტერიერში, არამედ პლასტიკურ მოცულობაში. ამდენად მონუმენტი ძეგლის ზოგადი მხატვრული კონცეფციის საფუძველს ქმნის. ამდენად ლაკონური გარეგნული იერისა და მოძრავი, ექსპრესიული, რამდენადმე ამორფული პლასტიკის კონტრასტული ერთიანობას წარმოადგენს. როგორც ზემოთ ავლინებენ სრულიად ახლებურად და ორიგინალურად წყვეტს არქიტექტურას და სკულპტურის სინთეზის პრობლემას. როგორც არა ერთმა ცნობილმა მოღვაწემ აღნიშნა, სენაკის „დიდების კუბი“ გახლავთ „დაღუპულთა ხსოვნის თავისებური რეკვიემი“.

ბორის დავითაია,
აკ. ნერეთლის სახელობის პრემიის ლაურიეტი.
ჟ. შარტავას სახელობის მხარემცოდნეობის მუზეუმის სპეციალისტი

შეიყვარეთ ბავშვი ნამდვილი სიყვარულით



მასწავლებლობა ერთ-ერთი ყველაზე საპასუხისმგებლო და საპატიო პროფესიაა მთელს მსოფლიოში, რადგანაც იგი ზრდის მომავალ თაობებს. კარგი მასწავლებელი კი -მთავარი პირობაა, რომლის მიხედვითაც ჩვენ, მშობლები სკოლას ვირჩევთ. სასწავლო წლის მოახლოებისას გაგვიგია ახალგაზრდა მშობლების საუბარი: „რომელ სკოლაში წავიყვანო ბავშვი“, „ხომ არ იცით წელს მეორე სკოლაში წელი შონისა ჰყავს პირველი კლასი?“, „ამბობენ კარგი მასწავლებელიაო“, „ნეტავ კლასი შევსებულია“, „მე ჩემს ბავშვს წელი მასწავლებელთან წავიყვან“ და ა.შ. და ვინ არის წელი მასწავლებელი, რომელსაც ასე ხშირად და თბილად მოიხსენიებენ? პირველი კატეგორიის მასწავლებელი, არაერთი მედლისა და სიგელის მფლობელი, უიული შარტავას სახელობის მეორე საჯარო სკოლის დაწყებითი კლასის, „უკვე ყოფილი“ პედაგოგი, ქალბატონი ნელი შონია დღეს ჩვენი სტუმარია.

ქალბატონმა ნელიმ დაამთავრა ნოსტიის საშუალო სკოლა, სოხუმის გორკის სახელობის პედაგოგიური ინსტიტუტის დაწყებითი განათლებისა და მეთოდის ფაკულტეტი. ინსტი-

ტუტის დამთავრებისთანავე, 1969 წელს მუშაობა დაიწყო ქვემო ფოცხოს საშუალო სკოლაში, ხოლო 1971 წლიდან დღემდე მუშაობდა ზემოაღნიშნულ სკოლაში.

ქალბატონო ნელი, რატომ აირჩიეთ პედაგოგის პროფესია? დღევანდელი გადმოსახედიდან, რომ გკონდეთ არჩევის შესაძლებლობა, ისურვებდით თუ არა ისევ პედაგოგობას

მასწავლებლობა ჩემი ოცნება იყო. ბავშვობაში თანატოლებთან ერთად ხშირად ვთამაშობდი მასწავლებლობას, რა თქმა უნდა მასწავლებელი ყოველთვის მე ვიყავი. გამომდინარე იქიდან, რომ ძალიან მიყვარს ბავშვები, გადავწყვიტე გამეხდარიყავი მასწავლებელი და ჩავაბარე პედაგოგიურ ინსტიტუტში. ცხოვრების თავიდან დაწყება რომ შეიძლებოდა, ისევ იმავე გზას გავივლიდი.

და როგორი იყო ეს გზა?

ეს იყო საკმაოდ რთული, მაგრამ ამავე დროს საუკეთესო პერიოდი ჩემს ცხოვრებაში. ასე მგონია გუშინ დაიწყო ყველაფერი... არადა 50 წელი გასულა... რამდენმა თაობამ გაიარა ჩემს თვალწინ. თითქმის ყველა მახსოვს, მახსოვს გვარებიც, სახელებიც. ყოველთვის მიკვირდა მასწავლებლების: როგორ იმახსოვრებენ ამდენ მოსწავლეს-მეთქი. აღმოჩნდა, რომ ეს პროფესიული უნარია. მახსოვს, რომელ კლასთან როგორ ვმუშაობდი, რომელ მოსწავლეს რა უყვარდა და რა მოსწონდა. თითოეული მათგანი მახსოვს და მენატრება. ბედნიერი ხარ, როცა ამდენი ბავშვის გარემოცვაში ხარ, როცა ნიჭიერი ბავშვები გვხვდება(თუმცა უნიჭო ბავშვი არ არსებობს), ასწავლი მათ, ისინი კი კარგად ითვისებენ. საოცარი გრძნობაა, როცა კარგი შედეგი გაქვს. ჩემი პატარები ყოველ დღით ახალ სიცოცხლეს მძლეუდნენ. მათი ენერგია ჩემზე გადმოდიოდა და ორჯერ

მეტად სახალისო და საინტერესო იყო მათთან მუშაობა.

თქვენი შეფასებით როგორი უნდა იყოს კარგი მასწავლებელი?

კარგი მასწავლებელი რომ გახდეს, ბევრი შრომა და ძალისხმევაა საჭირო. პროფესიული თვალსაზრისით მასწავლებელი ყოველდღიურად უნდა იზრდებოდეს. როგორც უნეტარესმა ილია II ბრძანა: „მასწავლებელმა, უპირველეს ყოვლისა, მოზარდის სიყვარული უნდა დაიმსახუროს და გასაღებიც მის ხელში იქნება.. მაგრამ სიყვარული რომ დავიმსახუროთ, ჯერ ჩვენ უნდა შევიყვაროთ ბავშვი ნამდვილი სიყვარულით. დიდებს უნდა ახსოვდეთ, რომ ბავშვის მოტყუება შეუძლებელია, იგი გაცილებით მეტს გრძნობს, ვიდრე ჩვენ გვგონია...“.

საპენსიო ასაკის მქონე პედაგოგებს, პროფესიიდან გასვლის შემთხვევაში, განათლების სამინისტრომ გარკვეული პრივილეგიები შესთავაზა.საუბარია 2 წლის ხელფასის ოდენობაზე, რომელსაც პედაგოგი ერთიანდ მიიღებს და სიცოცხლის ბოლომდე ჯანმრთელობის დაზღვევის პაკეტის შენარჩუნებაზე. თქვენ ნებაყოფლობით დატოვებთ სკოლა, არ გაგიჭირობდით ბავშვების გარეშე.

ძალიან მიჭირს ამ ფაქტის გათავისება, მაგრამ თავს იმით ვიმშვიდებ რომ ჩვენს სკოლაში საუკეთესო პედაგოგებს ვტოვებ, რომლებიც ღირსეულ წვლილს შეიტანენ მოსწავლეების ნამდვილ პიროვნებად ჩამოყალიბების პროცესში.

ქალბატონმა ნელიმ თავისი მრავალწლიანი პედაგოგიური მოღვაწეობის მანძილზე თაობებისათვის შეძლო ყველაზე ძვირფასი განძის, ცოდნის მიცემა. გაზუთ „კოლხეთი“ რედაქცია დიდი ხნის სიცოცხლეს და სიხარულს უსურვებს ქალბატონ ნელის.

მ. შონია

28 აგვისტო - მარიაშობა

ერთხელ ელეონის მთაზე ლოცვის დროს, მთავარანგელოზი გაბრიელი გამოეცხადა ღვთისმშობელს და ამცნო, რომ მისი ამქვეყნიდან გასვლის დღე მოახლოებული იყო და თავად უფალი იზრუნებდა მის სულზე. ასეთი ნუგეშისათვის ღვთისმშობელმა მადლობა შესწირა უფალს, თან შესთხოვა-მიძინების წინ კიდევ ერთხელ ეხილა სხვადასხვა ქვეყანაში საქადაგებლად წასული მოციქულები. მართლაც, სულიწმინდის მადლით ისინი სასწაულებრივად აღიტაცა



ღრუბელმა და მოციქულები სიონის მთაზე აღმოჩნდნენ, სადაც უკვე მოეყარათ თავი მორწმუნეებს. დამსუხრებლებს ყოვლადწმიდა ქალწული ანუგეშებდა და თავის ძის წინაშე მარადიულ შუამდგომლობას აღუთქვამდა. როდესაც მოინია ჟამმა, საოცარი რამ იხილეს, ოთახი ღვთაებრივი ნათლით გაბრწყინდა და ზეციდან მთავარანგელოზისა და ანგელოზების თანხლებით იესო ქრისტე დაეშვა. მაცხოვარმა ასე მიმართა მშობელს: „მშვიდობა შენდა დედაო, დედოფალო ზესკნელთა...ალილუია, ..ალილუია, ..ალილუია! გიხაროდენ დედაო, სიმართლეო, სამკაულო და დიდებო ქვეყნისაო!“ მაცხოვარმა მშვიდობით მიიბარა ყოვლადწმიდა მარიამის სული და ანგელოზთა გალობის თანხლებით მარადიულ სამკვიდრებელში აიყვანა.

ღვთისმშობლის წმიდა ცხედარი, ანდერძის თანახმად, დიდი ზემოთ დაკრძალეს გეტსამანიის ბაღში, როცა მოციქულმა თომამ, რომელიც მის მიძინებას ვერ დაესწრო, მოინდომა თაყვანი ეცა მარიამის წმიდა ნაწილებისათვის, კიდევ ერთი სასწაულის მოწმენი გახდნენ, საფლავი ცარიელი დახვდათ.

ბაცნობიერებულ არჩევანი – ოჯახი სიმბოლოების გარანტი



„როცა ოჯახი მყარია, მყარია და შეუდრეკელი სახელმწიფოც“ – ეს სიტყვები სრულიად საქართველოს კათოლიკოს –პატრიარქს ილია II-ს ეკუთვნის.

მართლაც რომ მყარად უნდა ჩაითვალოს თეონა ცირამუას და გონა ჭანტურის ახლადშექმნილი ოჯახი. ამის თქმის საფუძველს წყვილის გაცნობიერებული არჩევანი, შეხედულებების, მისწრაფებების თანხვედრა იძლევა.

მისასალმებელია ის ფაქტი, რომ უნიჭიერესი ქალბატონი, არაჩვეულებრივი მუსიკოსი გონის ქალთა კამერული გუნდის სამხატვრო ხელმძღვანელი, მშვენიერი თეონა ცირამუა სენაკელთა რძალი გახდა.

თეონამ და გონამ ერთმანეთი ჩვენი სახელოვანი თანაქალაქელის, საქართველოს სახალხო არტისტის, პროფესორ ანზორ შომახიას ვარსკვლავის გახსნაზე გაიცნეს ერთმანეთი. სიხარულით, განცვიფრებით და საოცარი პანგებით აღსავსე დღემ სენაკელ

მაყურებელთან ერთად გონაც ალაფრთოვანა.

მან კონცერტიდან რამდენიმე დღის შემდეგ თეონას ტელეფონზე შეტყობინება გაუგზავნა, სადაც მადლობას უხდოდა მრავალფეროვანი რეპერტუარისათვის. შემდეგ შეტყობინებაში(2018 წლის 8 მარტს) გონამ მოწონება და სიმპათია გამოხატა მშვენიერი ხელოვანისადმი. ასე მიწერ-მონერით, სატელეფონო ზარებით აენყო ურთიერთობა, რომელიც ოჯახის შექმნით დასრულდა.

თეონას და გონას ქორწილი 17 ივნისს შედგა. მაყრიონსა და მონვეულ სტუმრებს შორის მრავლად იყვნენ მუსიკოსები, მომღერლები, ადმინისტრაციული სამსახურის წარმომადგენლები, სიძე-პატარძლის მეგობრები. ფოიერვერკებით შემოცილებულმა ნეფე-დედოფალმა ლამაზი საქორწინო აქსესუარებით დამშვენებულ, დახვეწილი დიზაინით მოწყობილ სცენაზე დაიკავეს ადგილი.

მოიხსნა მაყრიონმა, მონვეულმა სტუმრებმა. სადღეგრძელოს სიმღერა ცვლიდა, სიმღერას ცეკვა.

მშვენიერმა დედოფალმა თავის გოგონებთან(გონის ქალთა კამერული გუნდი) კიდევ ერთი ლამაზი საღამო აჩუქა სენაკელებს(ამჯერად მქორწილებს). არაჩვეულებრივი პანგები იღვრებოდა დარბაზში. ბოლო არ უჩანდა მსმენელთა ოცაციებს.

„ეს არ იყო მხოლოდ ქორწილი, ეს იყო ხელოვნების ფოიერვერკი“, „სრული ანშლაგი, ქორწილშიც და სცენაზეც“ (ასე ეხმაურებიან ქორწილს დღეს ნეფე-დედოფლის მეგობრები).

ენამზინამა თამაძებმა ანზორ შომახიამ და კახა ბალათურნიამ ბედნიერება და შვილების სიმრავლე უსურვეს ახლადშექმნილებს.

ბედნიერი წყვილის ბიოგრაფია გაჯერებულია დადებითი მომენტებით.

თეონა ცირამუა თბილისში დაიბადა და გაიზარდა. ოჯახი წარმოშობით ჩხორონწყუს რაიონიდანაა. დაამთავრა თბილისის სახელმწიფო კონსერვატორია სადირიჟორო განხრით. 2013 წლიდან არის გონის ქალთა კამერული გუნდის სამხატვრო ხელმძღვანელი. 2017 წელს საქართველოს პრეზიდენტის განკარგულებით დაჯილდოვდა ღირსების ორდენით, არის ჩხორონწყუს და გონის საპატიო მოქალაქე. თეონა გამოირჩევა მაღალი დისციპლინით, მომთხროველობით.მისი ხელმძღვანელობის პერიოდში გონის ქალთა კამერული გუნდმა მიიღწია არანა-ხულ წარმატებას.

გონა ჭანტურია დაამთავრა საქართველოს პოლიტექნიკური ინსტიტუტის სამოქალაქო და სამრეწველო მშენებლობის ფაკულტეტი. სხვადასხვა დროს მუშაობდა სენაკის მუნიციპალიტეტის გამგეობაში ახალგაზრდობის საქმეთა განყოფილების უფროსად, სოფლის მეურნეობის და ენერგეტიკის საკითხებში მთავარ სპე-

-გუნდთან ერთად ვემზადები თელავის ფესტივალის ჩასატარებლად, შემდეგ მე და გონა საქორწინო მოგზაურობაში წასვლას ვაპირებთ, ალბათ იტალიაზე შევაჩერებთ არჩევანს.

ოჯახში ღირიჟორობას ნამდვილად არ ვაპირებ. მკაცრი მეუღლე არა ვარ, სახლში უფროსი მამაკაცი უნდა იყოს. ისეთ ენერგიას ვხარჯავ სამსახურში, სახლი, ოჯახი ჩემთვის განტვირთვა



ციალისტად, მუნიციპალიტეტის გამგეობის ეკონომიკისა და ინფრასტრუქტურის განვითარების სამსახურის უფროსად, ამჟამად მუშაობს მერის წარმომადგენლად ქ.სენაკის ადმინისტრაციულ ერთეულში. გონა დიდი სიყვარულით და პატივისცემით სარგებლობს საზოგადოებაში. პატივისცემენ როგორც მოკრძალებულ და თავმდაბალ პიროვნებას.

რედაქციაში სტუმრობისას შეკითხვაზე როგორია მათი სამომავლო გეგმები, თეონამ გვიპასუხა:

და სიმშვიდეს ვეძებ. ყოველთვის ვცდილობ კარგი აურა შევქმნა. დიდი სიყვარული და სითბო მაქვს სამეგრელოსადმი. აქ ნამდვილად იციან ხელოვნების, სიმღერის ფასი. სენაკის საზოგადოებას ეტყობა, რომ კარგი მუსიკალური გემოვნება აქვს.

გაზეთ „კოლხეთის“ რედაქციის სახელით ვულოცავთ თეონას და გონას ოჯახის შექმნას, ვუსურვებთ მრავალ ძესა და ასულს, წარმატებულ დღეებს, ჯანმრთელობას და სიხარულს.

მელა ბალათურია

პოეტი მოდის

გაზეთ „კოლხეთის“ მკითხველებს ჰქონდათ საშუალება, თვალი ედევნებინათ უტა ხარბედიას პირველი სტრიქონებისათვის.

გავიჭირდება მისი ხვალისდელი დღის ამოცნობა, მაგრამ ის ლექსები, რომლებიც მოიწონეთ და რომლებშიც თაობის სათქმელია თქმული, გვაფიქრებინებს, რომ ქართულ პოეზიაში ერთი ახალგაზრდა პოეტის ხმა აჟღერდება.

უნიღებურად პოეტში ქუსდა

რანაირია, ვითომ პოეტი? მხიარული თუ მუდამ მწუხარი? ანდაც, როცა წერს, ვის რას უამბობს, ნუთუ გული აქვს დანაქუხარი? რანაირია-იტყვის ვერავენ ჩამოჰვავს ყველას, მაგრამ არავის, აწყობილია იმ ნაპერწკლებით. ყველას აზრი რომ სხვისი არ არის. მხიარულია, თურმე პოეტი, მხიარულია, თანაც მწუხარი. ტრაგედიების კომიკურობის ღია ფარდებით შემომწუხსხავი. ტრაგედიებზე იცინის მუდამ, ტრაგედიების გზაზე მავალი. კომედიების ტრაგიზმით უნდა რომ ისაზრდოს ქვეყნად არავინ. როცა, წერს, თითქოს არავინ არის, დანერვილი კი ეხება ყველას. არც ნამდვილობა თავისი ამბის თვითონ არ იცის, რომ იწყებს წერას. მაგრამ წერს, იცის რას? — არა! სულში მუზების რიგი დამდგარა, თანაც იბრძვიან, იყენენ პირველნი, გასხვიოსნების ღვთიურ ფრინველნი, ველარ გაუძლებს გული პატარა. ...ვიღაც პოეტის გზაზე დამდგარა, არ წაუღია თან პეშვი მინა. თვით მეფეების სახელებს ვფიცავ

უტა ახალგაზრდაა, ამიტომაც უცხო არ არის ხმის კილოს ცვლა, გრძობათა სიჭარბე, სევდიანობა და ალფროთოვანება...

მის ახალ ლექსებში იწყება პოეზია, რთული და უშუალო, რომელიც ავტორისაგან ყველაფერს ითხოვს.

„კოლხეთის“ მკითხველებს ეძლევათ საშუალება, თვალი ადევნონ წარჩინებული სტუდენტის, უტა ხარბედიას ახალ ლექსებს...

ნანა ფაჩულია

გარდასახულა, ველარც კი ვიცან! ღმერთო, ნუ დაღვე ნურასდროს მუზას! თავად ქუხილი არავის სურდა. მიეტანება მუზების ხურდას ყველა, ვინც უყვარდათ ან ვისაც სძულდა. უწინდებურად პოეტში ქუსდა.

ის დამსხვრეული პირამიდები

ეს დამსხვრეული პირამიდები, როგორც ხიდეები, აერთებს წამებს. ეს დამსხვრეული პირამიდები როგორ განიცდის და როგორ ავლენს. ეს დამსხვრეული პირამიდები უსუსურობის მახსენებს წამებს, ეს დამსხვრეული პირამიდები როგორ იღვევა...როგორ ანათებს... ეს დამსხვრეული პირამიდები, ვით მოგონება ფარაონების, ეს დამსხვრეული პირამიდები, როგორც მონება მარათონების და მიმავალის დიდების წამთან... მეც დამსხვრეული, ნანგრევთან ნავალ მომავონდება ძველი დიდება, ფარაონებზე ლოცვა მინდება!.. ეს დამსხვრეული პირამიდები, შემოერთებულ ნაპირს ხიდეები, შორს მიმავალი ტანდემი წვეთის,

შემომავალი ნისლების ხედვის, როგორც პოეტი, სიმშრალეს ებრძვის. ეს დამსხვრეული პირამიდები... ოდესმე მაინც ხომ მომინდები! ალვადგენ, ვპოვებ,გამოვიჩრი ლახვარს, ამშენებლების მოვძებნი საფლავს, მივეტანები არასდროს ნანახს, პირამიდების მოვუსმენ კარნახს. პირამიდების ნამსხვრევთა ზღვაში გალაკტიონის ვით ლურჯი რაში, ქარიშხლად ვპოვებ შენებას მასში! ნისლით დასერილ ზღვაში ხიდეები... ეს დამსხვრეული პირამიდები!..

წარმოიდგინეთ, რომ ერთი წუთით მაინც ხართ ადამიანი... წარმოიდგინეთ? ალბათ, ვერა, რადგან წარმოდგენა ჩნდება სურვილით და არა საკუთარი თავისთვის წამიერი დაძალებით. თქვენ კი არასდროს გქონიათ ადამიანობის სურვილი, რადგან არასდროს შეგიტანიათ ეჭვი თქვენს ადამიანობაში და საკუთარი სიკარგი კმაყოფილი მუდამ სხვაგან ხედავთ თქვენსავე არაადამიანობის ანარეკლს. ადამიანად დაბრუნება ნიშნავს ბევრობაში დაბრუნებას, რადგან, როგორი ანცებიც და ეშმაკებიც უნდა იყვნენ, ბავშვები არიან ადამიანები, თქვენ კი ადამიანისგან დარჩენილი მტვერი ბრძანდებით... ოდესმე მთელი გულით გდომებიათ ბავშვობაში დაბრუნება? დაგიღვრიათ ცრემლი ადამიანად ყოფნის გახსენებისას? ამქვეყნად ყველაზე დიდი წინააღმდეგობით აღსავსე გზა არის გზა, რომელსაც საკუთარ თავამდე მივყავართ. არავის მოსწონს ჭეშმარიტი ადამიანი. მეტიც, ყველას შურს მისი, რამეთუ ადამიანები არიან ინდივიდები, ამ მატერიალისტ დროებას კი არათუ სახე აქვს დაკარგული, არამედ ყველა ერთნაირი სიყალბით აღვსილა და ელიან მომენტს, როდესაც შეძლებენ შენს გადათელვას, რადგან შენში ხედავენ საფრთხეს. გინდა, იყო ადამიანი?-მოძებნე ბავშვი საკუთარ თავში! გინდა, თავისუფლება?-მოთოკე შინაგანი მხეცი

უტა ხარბედია, 2019წ



სოფიო მიქაია

სენაკის მრავალფეროვანი ისტორიის შემადგენელი ნაწილია მუნიციპალიტეტის მოქალაქეების (ანგარდაცლილების) ცხოვრება-მოღვაწეობა, იმდენად რამდენადაც ისინი მოცემულ დროსა და სივრცეში იღვწოდნენ და ღირებულ კვალს ტოვებდნენ მთავრად მავალთათვის. ამ კუთხით დღეს გვინდა გავიხსენოთ პირველი ინჟინერი ქალი და მისი ოჯახი სენაკის სინამდვილეში. ეს ქალბატონი სოფიო მიქაია, მარტვილელი, სენაკელი კოკი ფაჩულიას მეუღლე. იგი დაიბადა 1908 წელს. დაუმთავრებია ჯერ თბილისის მედიკინის სახელობის ქიმიური ტექნიკუმი, შემდეგ საქართველოს პოლიტექნიკური ინსტიტუტის ქიმიურ-ტექნოლოგიური ფაკულტეტის სრული კურსი სილიკატური სპეციალობის ინჟინერ-ტექნოლოგის კვალიფიკაციით. (ესკურსიამ სპეციალობით სტუდენტთა პირველი გამოშვება ყოფილა).

„სადაც არის ბუდი შენი, იქ მიგიყვანს ფეხი შენი“-ნათქვამისა არ იყოს, სენაკში სამუშაოდ მოვლენილი ქალბატონი სოფიო კოკი ფაჩულიას შეხვდა, გარკვეული დროის შემდეგ კი ისინი დაქორწინდნენ.

სოფიოს შრომითი ბიოგრაფია სენაკში კირის ქარხნის ტექნიკური ხელმძღვანელობით (მთავარი ინჟინერი) იწყება. აქ მან უმნიშვნელოდ, შესაშური პროფესიონალიზმის საქმეში გამოვლენით 20 წელი იმუშავა. ამაზე იმ პერიოდში რესპუბლიკური პრესაც წერდა თურმე. მას საკვალიფიკაციო კომისიის დადგენილებით მინიჭებული ქონდა ასაფეთქებელ სამუშაოთა წარმოების სრული

პორტრეტი ინტერვიუ

შტრიხები პირველი ინჟინერი ქალის ბიოგრაფიიდან

უფლება. ასე რომ ქარხნის მიერ გამოშვებული პროდუქციის მაღალი ხარისხი განპირობებული იყო სოფიოსა და მის თანამშრომლებთან პროფესიონალიზმით, საქმისადმი კეთილსინდისიერი დამოკიდებულებით. აღსანიშნავია ის გარემოებაც, რომ სოფიოს ინიციატივით სოფელ ინჩხურში (მარტვილი) 1951-52 წლებში აშენებულა კირის გამოსაწვავი ორი საველე ლუმელი. ძლიერი ნებისყოფით, შეუვალობითა და მებრძოლი სულისკვეთებით განმორჩეული ქალბატონისათვის თანამედროვე ფოლადის ქალი შეურქმევიათ. ის ფრონტზე დაჭრილი მეუღლის მოვლას, სამსახურებრივ საქმიანობას და შვილების აღზრდას ერთდროულად ახერხებდა, ამასთან სხვებსაც არ ტოვებდა უყურადღებოდ, საჭიროების მიხედვით ყველას ეხმარებოდა, აკვალანებდა. დაჯილდოებული ყოფილა სსრკ საშენ მასალათა მრეწველობის „ფრიადოსნის“ სამკერდე ნიშნით, მედლებით, ქების სიგელებით. ამავე დროს წარდგენილი იყო ლენინის ორდენზე (იმდროის უმაღლესი ჯილდოზე), მაგრამ გადასახლებაში მყოფი მისი გამო არ მიუციათ ჯილდო. უფრო მეტიც, პარტიდანაც გაურიცხა, მაგრამ ცენტრალურ კომიტეტში გაუსაჩივრებია და ისევ აღუდგენიათ.

წლების შემდეგ ქალბატონი სოფიო ადგილობრივი მრეწველობის კომბინატში გადადის სამუშაოდ. ასევე იმუშავა სენაკის რკინიგზის საშუალო სკოლის დირექტორის მოადგილედ, ტრესტ საქსოფლმშენის ცხაკაის №5 სამმართველოში, სამონტაჟო უბანში ოსტატად, აშენებდა სატრანსფორმატორო ქვესადგურებს.

განათლებულმა, საქართველოს ისტორიის მოყვარულმა დედამ შვილებს - ზაირა და როენა ფაჩულიებს-სწავლისა და შრომის, ტრადიციებისა და ქვეყნის სიყვარული, ზნეობრივი ღირებულებების ერთგულედა შთაუწერა. ამიტომაც ისინიც განათლებულ, ღირსეულ მოქალაქეებად ჩამოყალიბდნენ.

ვალმოხდელი წავიდა ამ ქვეყნიდან ქალბატონი სოფიო. მიუხედავად განვლილი ცხოვრების სიმძიმისა, მან 91 წელი იცოცხლა.

ჩინებული ქართველი და თავისი საქმის პროფესიონალი ყოფილა სოფიოს მეუღლე კოკი-პროფესორი ეკონომისტი, მუსიკალური ნიჭითაც დაუჯილდოებია ღმერთს. უკრავდა სხვადასხვა ინსტრუმენტებზე, განსაკუთრებით კლარნეტი უყვარდა. მღეროდა რეპერტუარის გუნდში, მსახურობდა თეატრში, ძმასთან ერთად უთამაშნია ცნობილ სპექტაკლში „სამშობლო“. სამამულო ომში მძიმედ დაჭრილი სამხედრო ჰოსპიტალიდან შინ დაბრუნებულა. გამოჯანმრთელების შემდეგ რამდენიმე წელი მუშაობდა ცხაკაის რაისაბჭოს აღმასკომის საგვემო კომისიის თავმჯდომარედ. შერყეული ჯანმრთელობის ადამიანი 54 წლის გარდაცვლილა.

სოფიო და კოკის ჯანმრთელი სულისკვეთებით დაღდაძმულ ოჯახში შთამომავლებიც შესატყვისი სულიერებით გაიზარდნენ. ზაირამ სკოლა ოქროს მედალზე დაამთავრა და პოლიტექნიკურ ინსტიტუტში დედის პროფესიას დაეუფლა. ზაირას შრომით ბიოგრაფია იმდენად მრავალფეროვანია რომ მასზე სხვა დროს შევიჩრდებოთ. გეტყვით მხოლოდ, რომ მას სენაკში არაერთ სანარმოში უმუშავია, კვალიფიკაცია აუმაღლებია, როგორც საქართველოში, ისე რუსეთის ქალაქებში, ჩაბარებული აქვს საკვალიფიკაციო მინიმუმის საგნები, აქვს დაწერილი ნაშრომი თემაზე „ხელოვნური ბოჭკოების ღებვაზე“, არაერთი სტატიისა და ნიგნის ავტორია. ტურისტული საგზურებით უცხოეთის არა ერთ ქვეყანაშია ნამყოფი, დაჯილდოებულია მედლებით და სიგელებით, ფლობს ქართულ, რუსულ და ინგლისურ ენებს და ა.შ.

როენა ფიზიკოსი გახდა, 47 წელი სამშენებლო მექანიკის და სეისმოლოგიის ინსტიტუტის ბეტონების ლაბორატორიაში მეცნიერ-მუშაკად მუშაობდა, ცხოვრობს ოჯახთან ერთად თბილისში.



კოკი ფაჩულია და მისი ბებია ფორმა



სოფიო მიქაია (შუაში) სტუდენტობისას

კოკის გარდაცვალების შემდეგ ქალიშვილებს მამობას დედა უწევდა. ობლების აღზრდაში სოფიოს გვერდში ედგნენ დედამთილი ქიონია ხუხუნი და დიდი ბებია-ქალბატონი ფორმა შურლაია.

ქიონია ნოქალაქევის საბალაო-ჩინო ოლქის ხელმძღვანლის, რომლის შემადგენლობაში შედიოდა: აბედათის, ნახუნაოს, უშაფათის, ფოცხოს, თამაკონისეკლესიები, ივანე ხუხუნის ქალიშვილი გახლდათ, ივანე მიურატების კარის მღვდელი ყოფილა. დროდადრო გორდში, დადიანების საზაფხულო რეზიდენციაში დადიოდა და მღვდელმსახურებას ეწეოდა. ამავე დროს ლეძამეს მაცხოვრის სახელობის ეკლესიასთან მას სამრევლო-საეკლესიო სკოლა ჰქონია

გახსნილი. ასეთი დამსახურებული და მრავალმხრივ მოღვაწე პიროვნების ქალიშვილი სათნოებით, კაცთმოყვარეობით, ცოდნით ყოფილა გამორჩეული. თუმცა მას ბედისწერამ მძიმე განსაცდელი მოუვლინა და სრულიად უდანაშაულო მეუღლე დაუხვრტეს. ეს გახლდათ გიორგი ფაჩულია, განათლებით იურისტი ერუდიტული პიროვნება. 1924 წელს, დასმენების პერიოდში, უდანასაულოდ დაუჭერიათ. შუა ღამეს დასახვრეტავად გაუყვანიათ თეკლათის მიდამოებში, სიის ამოკითხვისას ფაჩულიას დაძახებაზე, წინ გამოსულ გიორგისთვის მოგვარეს უსვრია, „ბჭო, გიორგი ვარ, ფაჩულია, ვერ მიცანიო“, მაგრამ ძირს დაცემულა უსულოდ. ბედის ირონიაც ამას ჰქვია.

იმ დღეს ვახანას, ყოფილი ლიბკნესტის ქუჩის სამ ოჯახში შეიცხადეს თურმე. დასტიროდნენ ოჯახის წევრები გამთენიისას მოტანილ სისხლით დასვრილ დახვრეტილთა სამოსს.

სალსალამათი შვილის ასეთი ხვედრის გამო მთელი ცხოვრება გლოვობდა დიდი ბებია ფორმა შურლაია. გონიერი, ადამიანების მოყვარული, ოჯახზე მზრუნველი, უღამაზე ქალბატონი ყოფილა იგი. სერგი მაკალათიას, ფორმას სილამაზით აღფრთოვანებულს, შტაბეჭდილება მასზე თავის ნიგნში დაუფიქსირებია.

ძვირფასო მკითხველო, დღეს წარსულის ანალებს „წავართვით“ ერთი სენაკელი ოჯახის ცხოვრება - მოღვაწეობის მნიშვნელოვანი ეპიზოდები, ადამიანების, რომლებიც საზოგადოებრივი ცხოვრების წინსვლისათვის, ჩემი, შენი, ჩვენი კეთილდღეობისათვის შრომობდნენ, ქმნიდნენ, ზოგჯერ თავსაც სწირავდნენ. დამეთანხმებით, ალბათ ასეთი ადამიანების ცხოვრებას უნდა ვიცნობდეთ, პატივს მივაგებდეთ, რომ ჩვენ თვითონ არ მოვწყდეთ ფეხებს, უნდა გავითავისოთ მათი კეთილი საქმეები, გამოცდილებები, ღირსეულ მეგობრებთან რომ დავრჩეთ. ვეცდებით ვზადავ ზა შემოგთავაზოთ წარსული ანალებიდან ანალოგიური კორესპონდენციები.

ნინო სარმანია



კონსტანტინე

კონსტანტინე (კოკა) ნარმანია

შენ ყოველთვის დიდ მოგონებად დარჩები ჩემში, მართალია დიდი ხანი არ მოგვინია ერთად ყოფნამ, თან ეს ის პერიოდი იყო, როცა არ მქონდა გააზრებული რა როგორ იყო ცხოვრებაში, მაგრამ მაინც უდიდესი კვალი დატოვე ჩემში. ყოველთვის მიხარია როცა ძალიან ბევრი ადამიანი გიგონებს და იხსენებს შენს გაკეთებულ სიკეთეს, რამდენი კარგი საქმე გქონდა გაკეთებული, რამდენჯერ დაცემული წამოგიყენებია და დაჩაგრულისთვის გაგინვლია ხელი მიუხედავად ასაკისა... ახლა ხშირად ვუფიქრდები და ვხვდები თუ რამდენად მეტი მეცოდინებოდა შენ რომ ჩემთან იყო და რამდენი გამოცდილება მექნებოდა, უფროსი ძმა მაინც სხვაა, ახლა ვხვდები რამდენი დამაკლდა შენი

ნასვლით და რამდენს გავაკეთებდი ერთად ... მართალია გინდოდა კალათბურთული გამოვსულიყავი ... , ეს სურვილი ვერ შეგისრულე მაგრამ, გპირდები ჩემს თითოეულ წარმატებას მე შენ მოგიძღნი და არასოდეს დამავინცდები... შენთვის მთავარი ღირებულება კაცობა იყო და მეც ყველაფერს გავაკეთებ რომ შენს გზას არ გადავუხვიო, ვცდილობ ყველგან და ყველაფერში მაქსიმუმში გავაკეთო და ამით ცოტათი მაინც შევემსუბუქო ჩვენს მშობლებს ტკივილი. ყოველთვის იყავი, ხარ და იქნები მაგალითი: ადამიანის, კაცის, ქართველის. მეამაყება რომ ასეთი ძმა მყავდა, მეამაყება რომ ჩვენს ძარღვებში ერთი სისხლია, რომელიც მუდამ

იბრძვის კაცობის და სახელის მარადიული დამკვიდრებისთვის, ეს ოდითგან მოგვსდევს და გპირდები მეც ამ გზას გავყვები... დრო გადის და თანდათან უფრო და უფრო ვხვდები თუ რამხელა პასუხისმგებლობა მაქვს. დრო გადის, შენი სახელი კი უკვდავი რჩება. მასსოვს ჩვენების ცრემლიანი თვალები რა როული საყურებელი იყო, იმ დღის შემდეგ სამყაროს ხედვა თითქოს შეიცვალა ჩემში... ვამაყობ ჩვენებით, მიუხედავად ყველაფრისა ძალა მოიკრიბეს და ყველაფერს აკეთებენ ჩემთვის.. ყოველთვის როცა რაიმე წარმატებას ვაღწევ, შენ გიძღვნი და ასე იქნება მუდამ.

შენი ძმა

ივორ ნარმანია

სარედაქციო აქტები	რედაქციის მისამართი:	რედაქციის მისამართი:
მთავარი რედაქტორი ნინო სარმანია	სენაკი, ჭავჭავაძის ქ. №103, ტელ: 276150	რედაქციის მისამართი:
რედაქტორი მელა ბალათონია	რედაქცია ხალხმწიფანლოზს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს.	რედაქციის მისამართი:
კორექტორები: მანა ბერბაია, მარია მიხაბერიძე	ინფორმაცია 66529	რედაქციის მისამართი:
ეკონომიკური სამსახურის სპეციალისტი ჭალია ჩაჩიბაია		რედაქციის მისამართი: